

ԱՐՑԱԽԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

«9» մարտի 2021 թ.

N 201- Ա

ք.Ստեփանակերտ

ԱՐՑԱԽԻ ՀԱՆՐԱՊԵՏՈՒԹՅՈՒՆՈՒՄ ՈՌՈԳՄԱՆ ՆՊԱՏԱԿՈՎ ՀՈՂՕԳՏԱԳՈՐԾՈՂՆԵՐԻՆ ԱԶԱԿՑՄԱՆ ԾՐԱԳԻՐԸ ՀԱՍՏԱՏԵԼՈՒ ՄԱՍԻՆ

Ղեկավարվելով Արցախի Հանրապետության Նախագահի 2017 թվականի սեպտեմբերի 25-ի ՆՀ-108-Ն հրամանագրով սահմանված կարգի 3-րդ և 5-րդ կետերով՝ Արցախի Հանրապետության կառավարությունը **ո Ր Ո Շ ՈՒ Մ է**.

1. Հաստատել Արցախի Հանրապետությունում ոռոգման նպատակով հողօգտագործողներին աջակցման ծրագիրը (այսուհետ՝ ծրագիր)՝ համաձայն հավելվածի:

2. Սահմանել, որ՝

1) ծրագրի կատարման հսկողությունը վերապահվում է Արցախի Հանրապետության էկոնոմիկայի և գյուղատնտեսության նախարարությանը (այսուհետ՝ նախարարություն):

2) ծրագրի շրջանակներում իրականացվող միջոցառումների պատասխանատու են հանդիսանում Արցախի Հանրապետության շրջանների վարչակազմերը:

3) նախարարությունը տնտեսական տարին ավարտելուց հետո՝ եռամսյա ժամկետում Արցախի Հանրապետության կառավարություն է ներկայացնում հաշվետվություն՝ կատարած աշխատանքների և իրականացրած միջոցառումների մասին:

3. Սույն որոշումն ուժի մեջ է մտնում հաստատման պահից:

«Հաստատում եմ»

**ԱՐՑԱԽԻ ՀԱՆՐԱՊԵՏՈՒԹՅԱՆ
ՆԱԽԱԳԱՀ**

Ա. ՀԱՐՈՒԹՅՈՒՆՅԱՆ

Հավելված
Արցախի Հանրապետության կառավարության
2021 թվականի մարտի 9-ի
N 201 - Ա որոշման

**ԱՐՑԱԽԻ ՀԱՆՐԱՊԵՏՈՒԹՅԱՆ
ԷԿՈՆՈՄԻԿԱՅԻ ԵՎ ԳՅՈՒՂԱՏՆՏԵՍՈՒԹՅԱՆ ՆԱԽԱՐԱՐՈՒԹՅՈՒՆ**

**ԾՐԱԳԻՐ
ԱՐՑԱԽԻ ՀԱՆՐԱՊԵՏՈՒԹՅՈՒՆՈՒՄ ՈՌՈԳՄԱՆ ՆՊԱՏԱԿՈՎ
ՀՈՂՕԳՏԱԳՈՐԾՈՂՆԵՐԻՆ ԱԶԱԿՑՄԱՆ**

ԲՈՎԱՆԴԱԿՈՒԹՅՈՒՆ

- I. ԱՐՑԱԽԻ ՀԱՆՐԱՊԵՏՈՒԹՅՈՒՆՈՒՄ ՈՌՈԳՄԱՆ ՆՊԱՏԱԿՈՎ ՀՈՂՕԳՏԱԳՈՐԾՈՂՆԵՐԻՆ ԱԶԱԿՑՄԱՆ ԾՐԱԳՐԻ (ԱՅՍՈՒՀԵՏ՝ ԾՐԱԳԻՐ) ԿԱՐԵՎՈՐՈՒԹՅՈՒՆԸ**
- II. ԾՐԱԳՐԻ ՆՊԱՏԱԿԸ ԵՎ ԽՆԴԻՐՆԵՐԸ**
- III. ԾՐԱԳՐԻ ԻՐԱԿԱՆԱՑՄԱՆՆ ՈՒՂՂՎԱԾ ՄԻՋՈՑԱՌՈՒՄՆԵՐԸ ԵՎ ՖԻՆԱՆՍԱՎՈՐՈՒՄԸ**
- IV. ԾՐԱԳՐԻ ԻՐԱԿԱՆԱՑՈՒՄԻՑ ԱԿՆԿԱԼՎՈՂ ԱՐԴՅՈՒՆՔՆԵՐԸ**

I. ԾՐԱԳՐԻ ԿԱՐԵՎՈՐՈՒԹՅՈՒՆԸ

1. Արցախի Հանրապետությունում գյուղատնտեսական մթերքների արտադրությունը բարձր մակարդակի հասցնելու և մթերքների առատություն ստեղծելու գործում կարևոր նշանակություն ունի գյուղատնտեսության վարման գիտականորեն հիմնավորված համալիր միջոցառումների մշակումը:

2. Գյուղատնտեսական մշակաբույսերի բերքատվության բարձրացման, ոռոգման ջրի և ոռոգելի հողատարածքների արդյունավետ օգտագործման գործում կարևոր նշանակություն ունի ոռոգման գործընթացի ճիշտ կազմակերպումը, ջրման նոր տեխնոլոգիաների ներդրումը, զարգացած և հուսալի համակարգերի ստեղծումը:

3. Բազմաթիվ դիմումների, ուսումնասիրությունների և հետազոտությունների վերլուծությունները ցույց են տալիս, որ հողօգտագործողների անհատական ոռոգման համակարգերի զարգացումը հնարավոր է ապահովել պետության կողմից մասնակի սուբսիդավորման ծրագրերի իրականացման միջոցով:

4. Ոռոգման կաթիլային եղանակի կիրառությունն ունի այնպիսի առավելություններ, ինչպիսիք են՝ ոռոգման ջրի տնտեսում, գյուղատնտեսական մշակաբույսերի բերքատվության ավելացում և ստացվող բերքի որակի բարձրացում, մոլախոտային բուսականության, հիվանդությունների և վնասատուների դեմ պայքարի անհրաժեշտության նվազում: Ոռոգման կաթիլային համակարգերը հնարավոր է կիրառել մեծ թեքությամբ, բարդ ռելիեֆ ունեցող ցանկացած տեղանքում: Լիովին բացառվում է հողի իռիգացիոն էրոզիայի վտանգը, մակերեսը չի կեղևակալում, մնում է փխրուն, գրունտային ջրերի մակարդակը մնում է անփոփոխ, հնարավորություն է ստեղծվում ավտոմատացնել ջրաբաշխման և ջրման գործընթացները: Ջրման այս եղանակը կարող է ապահովել մեծ եկամտաբերություն և կարճ ժամանակահատվածում (երկուսից երեք տարի) արդարացնել ներդրումները:

5. Անձրևացման գլխավոր տարբերիչ առանձնահատկությունն այն է, որ տեղի է ունենում ոչ միայն հողի, այլև գետնամերձ օդի շերտի խոնավացում, ինչի շնորհիվ նվազում է գոլորշիացումը հողի և բույսի մակերևույթից: Միևնույն ժամանակ առկա են որոշակի թերություններ, օրինակ՝ քամու մեծ արագության դեպքում հնարավոր չէ կատարել անձրևացում, և անձրևացման համակարգը ոչ բոլոր գյուղատնտեսական մշակաբույսերի համար է նպատակահարմար:

6. Ոռոգման ենթահողային եղանակի դեպքում ջրախնայողությունն ամենամեծն է: Ոռոգման այս եղանակի միջոցով ջուրը պարարտանյութերի հետ միասին մատակարարվում է անմիջապես բույսի արմատներին: Այն ծառայում է համեմատաբար ավելի երկար ժամանակ: Դրա հետ միաժամանակ, այս համակարգի կառուցման սկզբնական շրջանի համար բավականին մեծ կապիտալ ներդրումներ են պահանջվում:

7. Սույն ծրագրում օգտագործվող հասկացություններն են՝

1) այլ միամյա մշակաբույս (այսուհետ՝ այլ միամյա մշակաբույս)՝ եգիպտացորեն, հնդկացորեն, արևածաղիկ, կտավատ, սոյա, հլածուկ, սիսեռ, ոսպ, ոլոռ, սորգո, կարտոֆիլ:

2) բազմամյա տնկարկ՝ այգիները, անկախ նրանց տարիքից, այդ թվում՝ պտղահատապտղային տնկարկների բոլոր տեսակները (ծառեր և թփեր)։

3) բանջարեղեն (այսուհետ՝ բանջարեղեն)՝ պոմիդոր, պղպեղ, սմբուկ, վարունգ, սոխ, սխտոր, կաղամբ, գազար, բազուկ, կանաչեղեն։

4) ոռոգման անձրևացման համակարգ՝ ստացիոնար (ինքնագնաց հենարաններ չունեցող անձրևացման տեղակայանքներ, որի ժամանակ ջուրը ճնշումային ոռոգման փակ ցանցից տրվում է անձրևացման սարքերին) և շարժական (ինքնագնաց հենարաններից, պոմպային ագրեգատից և անձրևացնող սարքերից կազմված անձրևացնող ագրեգատներ կամ ինքնագնաց հենարաններից և անձրևացնող սարքերից կազմված անձրևացնող մեքենաներ) ոռոգման համակարգեր։

5) ոռոգման ժամանակակից տեխնոլոգիա՝ ոռոգման կաթիլային, ենթահողային և անձրևացման համակարգեր։

6) տնկարանային տնկարտեսություն՝ տնկանյութի, տնկիների ստեղծման տնտեսություն, որում հատուկ բարենպաստ պայմաններում բազմացնում, աճեցնում և կոփում են բազմամյա բույսերը, դրանք հասցնելով այգում տնկվելու զորության մակարդակի։

8. Ծրագրով ներկայացվում են Արցախի Հանրապետությունում ոռոգման ժամանակակից տեխնոլոգիաների տեղադրման, ցանկապատված պոլիէթիլենային հիդրոմեկուսիչ ծածկոցով ջրավազանների կառուցման աջակցմանն ուղղված միջոցառումները և ակնկալվող արդյունքները։

II. ԾՐԱԳՐԻ ՆՊԱՏԱԿԸ ԵՎ ԽՆԴԻՐՆԵՐԸ

9. Ծրագրի նպատակն է ապահովել Արցախի Հանրապետությունում տարբեր մշակաբույսերի ցանքատարածությունների ու համախառն բերքի ծավալների ավելացումը և նպաստել գյուղատնտեսությամբ զբաղվող տնտեսավարող սուբյեկտների եկամտաբերության մակարդակի բարձրացմանը։

10. Ծրագրի խնդիրներն են՝

1) ջրային ռեսուրսների արդյունավետ և խնայողաբար օգտագործումը և անցումը ինտենսիվ գյուղատնտեսության։

2) հողի արդյունավետ մշակման մակարդակի ապահովումը։

3) գյուղատնտեսական արտադրության զարգացումը։

4) նվազ ֆինանսական միջոցներով համակարգի արդյունավետ կառավարման բարձրացումը։

5) ոռոգելի հողատարածքների ջրապահովվածության բարձրացումը։

III. ԾՐԱԳՐԻ ԻՐԱԿԱՆԱՑՄԱՆՆ ՌԻՂԴԱԾ ՄԻՋՈՑԱՌՈՒՄՆԵՐԸ ԵՎ ՖԻՆԱՆՍԱՎՈՐՈՒՄԸ

11. Ծրագրով նախատեսվում է իրականացնել հետևյալ միջոցառումները՝

1) ոռոգման ժամանակակից տեխնոլոգիայի տեղադրում՝ համակարգի արժեքի մասնակի սուբսիդավորման միջոցով։

2) ցանկապատված պոլիէթիլէնային հիդրոմեկուսիչ ծածկոցով ջրավազանների կառուցման աշխատանքների արժեքի մասնակի սուբսիդավորում:

12. Սույն Ծրագրի շրջանակներում պետական աջակցությունը կտրամադրվի այն անձանց, ովքեր չունեն գյուղատնտեսության ոլորտում ծագած հարաբերություններից բխող նախորդ տարիներից կուտակված չմարված պարտավորություններ (հողի հարկ, վարձավճար, մատակարարված ոռոգման ջրի դիմաց պարտք, որը հավաստվում է համապատասխան փաստաթղթերով):

13. Արցախի Հանրապետության էկոնոմիկայի և գյուղատնտեսության նախարարությունը (այսուհետ՝ նախարարություն) համակարգում և վերահսկում է ծրագրի իրականացման գործընթացը:

14. Ոռոգման ժամանակակից տեխնոլոգիայով ծխախոտի, բանջարեղենի, այլ միամյա մշակաբույսերի մշակությամբ և տնկարանային տնտեսությամբ զբաղվելու ցանկություն ունեցող հողօգտագործողները մինչև ընթացիկ տարվա սեպտեմբերի 30-ը տեղական ինքնակառավարման մարմիններին, իսկ Ստեփանակերտ քաղաքում՝ նախարարություն են ներկայացնում հայտ՝ համաձայն N 1 ձևի՝ կցելով գյուղատնտեսական նշանակության հողատարածքի նկատմամբ սեփականության, վարձակալության, ենթավարձակալության կամ անհատույց օգտագործման իրավունքի պետական գրանցման վկայականի (այսուհետ՝ վկայական), իսկ վերաբնակեցման տարածքներում վկայականի բացակայության դեպքում համայնքի ղեկավարի կողմից տրված համապատասխան տեղեկանքի և անձնագրի պատճենները:

15. Տեղական ինքնակառավարման մարմինները յոթօրյա ժամկետում ընդհանրացնում են սույն ծրագրի 14-րդ կետով ներկայացված փաստաթղթերը և շրջանների վարչակազմերին ներկայացնում իրենց կողմից հաստատված տեղեկանք՝ նշելով հողօգտագործողի անունը, ազգանունը, հայրանունը, անձնագրային տվյալները, վկայականի համարը և դրանց մշակության համար նախատեսված տարածքների մակերեսները՝ կցելով նաև հայտերի, վկայականի կամ համապատասխան տեղեկանքի պատճենները:

16. Համայնքների վարչական սահմաններից դուրս գտնվող պետական սեփականություն համարվող գյուղատնտեսական նշանակության տարածքների վարձակալները, ենթավարձակալները և անհատույց օգտագործողները սույն ծրագրի 14-րդ կետով սահմանված փաստաթղթերը ներկայացնում են համապատասխան շրջանի վարչակազմի աշխատակազմի գյուղատնտեսության բաժին:

17. Ոռոգման ժամանակակից տեխնոլոգիայով բազմամյա տնկարկների մշակությամբ զբաղվելու ցանկություն ունեցող հողօգտագործողները մինչև ընթացիկ տարվա հոկտեմբերի 31-ը հայտերը ներկայացնում են նախարարություն՝ համաձայն N 2 ձևի՝ նշելով ոռոգման ժամանակակից տեխնոլոգիաների տեղադրման հնարավորությունները և պայմանները, կցելով համայնքի ղեկավարի կամ համայնքը սպասարկող գյուղատնտեսի՝ նոր հիմնադրվող բազմամյա տնկարկի դեպքում՝ բազմամյա տնկարկների մշակություն իրականացնելու թույլտվությունը, արդեն հիմնադրված բազմամյա տնկարկի դեպքում՝ տնկիների տարիքի և վիճակի վերաբերյալ տեղեկություն

(համայնքի վարչական սահմաններից դուրս գտնվող հողամասի պարագայում տեղեկանքը տրամադրվում է համապատասխան շրջանի գյուղատնտեսության բաժինը), վկայականի, իսկ վերաբնակեցման տարածքներում վկայականի բացակայության դեպքում՝ համայնքի ղեկավարի կողմից տրված համապատասխան տեղեկանքի և անձնագրի պատճենները:

18. Մեկ ամբողջություն կազմող միավոր տարածքում գտնվող գյուղատնտեսական նշանակության հողատարածքի նկատմամբ մի քանի անձանց (բացառությամբ փոխկապակցված անձանց՝ ծնող, ամուսին, զավակ, եղբայր, քույր, ամուսնու ծնող, զավակ, եղբայր և քույր) գույքային իրավունքների առկայության պայմաններում, ոռոգման կաթիլային համակարգով բազմամյա տնկարկների մշակությամբ զբաղվելու համար տրամադրվող պետական աջակցությունից այդ անձինք կարող են օգտվել գյուղատնտեսական կոոպերատիվ հիմնադրելու դեպքում:

19. Արցախի Հանրապետության շրջանների վարչակազմերը սույն ծրագրի 14-րդ և 15-րդ կետերով սահմանված տեղեկությունները ստանալուց հետո յոթօրյա ժամկետում նախարարություն են ներկայացնում իրենց կողմից հաստատված տեղեկանք՝ նշելով հողօգտագործողների անունը, ազգանունը, հայրանունը, անձնագրային տվյալները, վկայականի համարը և դրանց մշակության համար նախատեսված տարածքների մակերեսները՝ կցելով նաև հայտերի, վկայականի կամ համապատասխան տեղեկանքի պատճենները:

20. Ոռոգման ժամանակակից տեխնոլոգիայով տնկարանային տնտեսությունների, բազմամյա տնկարկների մշակության, ինչպես նաև անձրևացման ստացիոնար համակարգերի տեղադրման դեպքում տվյալ հողամասի նկատմամբ իրավունքի պետական գրանցման վկայականի գործողության ժամկետը հայտը ներկայացնելուց հետո պետք է լինի ոչ պակաս քան 5 տարին, իսկ ծխախոտի, բանջարեղենի և այլ միամյա մշակաբույսերի դեպքում՝ ոչ պակաս քան 1 տարին:

21. Ցանկապատված պոլիէթիլենային հիդրոմեկուսիչ ծածկոցով ջրավազանների կառուցման ցանկություն ունեցող հողօգտագործողները մինչև ընթացիկ տարվա սեպտեմբերի 30-ը հայտերը ներկայացնում են նախարարություն՝ համաձայն N 3 ձևի՝ կցելով տվյալ հողատարածքի այլ եղանակով ոռոգման հնարավորության բացակայության կամ համակարգի առկայության դեպքում ոռոգման համար անհրաժեշտ քանակի ջրի բացակայության վերաբերյալ ջրային համակարգերը շահագործող ընկերության կողմից տրված եզրակացությունը, վկայականի, իսկ վերաբնակեցման տարածքներում վկայականի բացակայության դեպքում համայնքի ղեկավարի կողմից տրված համապատասխան տեղեկանքի և անձնագրի պատճենները:

22. Հողատարածքի նկատմամբ ընդհանուր համատեղ կամ բաժնային սեփականության, վարձակալության, ենթավարձակալության կամ անհատույց օգտագործման իրավունքների առկայության դեպքում հայտատուները նախարարություն են ներկայացնում նաև սեփականատիրոջ (համասեփականատերերի) գրավոր համաձայնությունը սույն ծրագրի շրջանակներում աշխատանքների իրականացման համար:

23. Արցախի Հանրապետության էկոնոմիկայի և գյուղատնտեսության նախարարի հրամաններով ծրագրի իրականացմանն ուղղված միջոցառումների կատարման համար հողօգտագործողների ներկայացրած հայտերի ուսումնասիրման և իրականացվելիք աշխատանքների հետագա վերահսկման նպատակով ստեղծվում են համապատասխան հանձնաժողովներ (այսուհետ՝ հանձնաժողով):

24. ***Ռոռզման ժամանակակից տեխնոլոգիայի տեղադրում՝ համակարգի արժեքի մասնակի սուբսիդավորման միջոցով.***

1) պետական աջակցությունը տրամադրվում է հետևյալ չափանիշներով՝

ա. նոր հիմնադրվող և մինչև երեք տարեկան բազմամյա տնկարկների 1 և ավելի հեկտարի չափով մշակության համար ռոռզման ժամանակակից տեխնոլոգիաների (բացառությամբ անձրևացման համակարգի) տեղադրման դեպքում սուբսիդավորվում է համակարգի արժեքի 75 տոկոսը, բայց ոչ ավել քան 1 հեկտարի հաշվարկով առավելագույնը 1 125 000 ՀՀ դրամ,

բ. ծխախոտի մշակության համար ռոռզման ժամանակակից տեխնոլոգիաների (բացառությամբ անձրևացման համակարգի) տեղադրման դեպքում սուբսիդավորվում է համակարգի արժեքի 50 տոկոսը, բայց ոչ ավել քան 1 հեկտարի հաշվարկով առավելագույնը 750 000 ՀՀ դրամ,

գ. երեք ու բարձր տարիքի բազմամյա տնկարկների 1 և ավելի հեկտարի չափով մշակության համար ռոռզման ժամանակակից տեխնոլոգիաների (բացառությամբ անձրևացման համակարգի) տեղադրման դեպքում սուբսիդավորվում է համակարգի արժեքի 50 տոկոսը, բայց ոչ ավել քան 1 հեկտարի հաշվարկով առավելագույնը 750 000 ՀՀ դրամ,

դ. բանջարեղենի և այլ միամյա մշակաբույսերի մշակության համար ռոռզման ժամանակակից տեխնոլոգիաների (բացառությամբ անձրևացման համակարգի) տեղադրման դեպքում սուբսիդավորվում է համակարգի արժեքի 50 տոկոսը, բայց ոչ ավել քան 1 հեկտարի հաշվարկով առավելագույնը 750 000 ՀՀ դրամ,

ե. անձրևացման համակարգերի ձեռքբերման և տեղադրման դեպքում սուբսիդավորվում է համակարգի արժեքի 50 տոկոսը, բայց ոչ ավել քան առավելագույնը 20 000 000 ՀՀ դրամ,

զ. 0.5-ից մինչև 1 հեկտարի չափով հողատարածքում նոր հիմնադրվող և մինչև երեք տարեկան բազմամյա տնկարկների մշակության համար ռոռզման կաթիլային համակարգի տեղադրման դեպքում սուբսիդավորվում է համակարգի արժեքի 75 տոկոսը, բայց ոչ ավել քան 1 հեկտարի հաշվարկով առավելագույնը 600 000 ՀՀ դրամ,

է. 0.5-ից մինչև 1 հեկտարի չափով հողատարածքում երեք և բարձր տարիքի բազմամյա տնկարկների մշակության համար ռոռզման կաթիլային համակարգի տեղադրման դեպքում սուբսիդավորվում է համակարգի արժեքի 50 տոկոսը, բայց ոչ ավել քան 1 հեկտարի հաշվարկով առավելագույնը 400 000 ՀՀ դրամ,

ը. 0.5-ից մինչև 1 հեկտարի չափով հողատարածքում տնկարանային տնտեսության մշակության համար ռոռզման կաթիլային համակարգի տեղադրման դեպքում սուբսիդավորվում է համակարգի արժեքի 50 տոկոսը, բայց ոչ ավել քան 1 հեկտարի հաշվարկով առավելագույնը 700 000 ՀՀ դրամ,

թ. 1 և ավելի հեկտարի չափով հողատարածքում տնկարանային տնտեսության մշակության համար ոռոգման կաթիլային համակարգի տեղադրման դեպքում սուբսիդավորվում է համակարգի արժեքի 50 տոկոսը, բայց ոչ ավել քան 1 հեկտարի հաշվարկով առավելագույնը 1 000 000 ՀՀ դրամ.

2) 0.5-ից մինչև 1 հեկտարի չափով նույն հողատարածքում կամ դրա մասը կազմող հողատարածքում աջակցությունը տրամադրվում է մեկ անգամ.

3) հանձնաժողովը հայտերի և Արցախի Հանրապետության շրջանների վարչակազմերի կողմից տեղեկությունների ներկայացման պահից քսանօրյա ժամկետում ստուգում է ներկայացված փաստաթղթերի հավաստիությունը, տեղում ճշտում հողատարածքների մակերեսները, ոռոգման ժամանակակից տեխնոլոգիաներ տեղադրելու հնարավորությունները և պայմանները, տվյալ հողատարածքում ոռոգման ջրի առկայությունը և ոռոգման ժամանակակից տեխնոլոգիաների ներդրման նպատակահարմարությունը և այդ պահանջները բավարարող հողօգտագործողների համար սահմանում է ժամկետ՝ ոռոգման ժամանակակից տեխնոլոգիաների (բացառությամբ անձրևացման շարժական համակարգերի) տեղադրման նախագծանախահաշվային փաստաթղթերը (այսուհետ՝ փաստաթղթեր), իսկ անձրևացման շարժական համակարգերի դեպքում՝ համակարգի արժեքի մասին հավաստող փաստաթուղթը ներկայացնելու նպատակով: Փաստաթղթերի մեկ փաթեթը կազմվում է մեկ կազմակերպության կողմից.

4) համապատասխան կազմակերպությունների կողմից կազմված և նախարարություն ներկայացված փաստաթղթերը (բացառությամբ 0.5-ից մինչև 1 հեկտար մակերեսով բազմամյա տնկարկների և 0,5-ից մինչև 1 հեկտար մակերեսով տնկարանային տնտեսությունների մշակության համար ոռոգման կաթիլային համակարգերի տեղադրման համար կազմված նախագծանախահաշվային փաստաթղթերի, որոնց մասով հիմք է հանդիսանում Արցախի Հանրապետության օրենսդրությանը և նորմատիվատեխնիկական փաստաթղթերի պահանջներին նախագծի համապատասխանության վերաբերյալ աշխատանքների պատասխանատուի գրավոր երաշխավորագիրը) ենթարկվում են փորձաքննության՝ պետական բյուջեով այդ նպատակով նախատեսված միջոցներով.

5) սույն ծրագրի շրջանակներում ոռոգման կաթիլային և ենթահողային համակարգերով 1 և ավելի հեկտար բազմամյա տնկարկների, ոռոգման կաթիլային համակարգով 1 և ավելի հեկտարի չափով հողատարածքում տնկարանային տնտեսության մշակության համար, ինչպես նաև ոռոգման անձրևացման ստացիոնար համակարգերի տեղադրման ցանկություն ունեցող հողօգտագործողների համար նախարարության կողմից սահմանված ժամկետում ոռոգման ժամանակակից տեխնոլոգիաներ տեղադրող լիցենզավորված ընկերությունները (այսուհետ՝ ընկերություններ) նախարարություն են ներկայացնում հայտ՝ համաձայն N 4 ձևի.

6) հանձնաժողովը փորձաքննության արդյունքների, գրավոր երաշխավորագրերի, անձրևացման շարժական համակարգերի մասով համակարգի արժեքը հավաստող փաստաթղթի ուսումնասիրությունների հիման վրա տասնօրյա ժամկետում

ընդհանրացնում և տալիս է եզրակացություն, միաժամանակ նախարարություն ներկայացնելով առաջարկություն՝ դրական եզրակացություն ստացած հողօգտագործողների ֆինանսավորման մասին՝ նշելով անհատույց տրամադրման ենթակա ֆինանսական միջոցների չափը և տրամադրման պայմանները.

7) նախարարությունը դրական եզրակացություն ստացած հայտատուների հետ կնքում է համապատասխան պայմանագրեր՝ նախատեսելով ոռոգման ժամանակակից տեխնոլոգիաների տեղադրման աշխատանքների կատարման պայմանները և ժամկետները սահմանող դրույթներ.

8) ոռոգման ժամանակակից տեխնոլոգիաների տեղադրման աշխատանքների ընդունումն իրականացվում է Արցախի Հանրապետության էկոնոմիկայի և գյուղատնտեսության նախարարի հրամանով ստեղծված համապատասխան հանձնաժողովի (ընդունող հանձնաժողով) կողմից.

9) նախարարությունը սույն կետի 1-ին ենթակետի «ա», «գ», «ե» (անձրևացման ստացիոնար համակարգի դեպքում) և «թ» ենթակետերով նախատեսված ֆինանսական միջոցները փոխանցում է հայտատուի ընտրած ընկերության հաշվեհամարին, իսկ սույն կետի 1-ին ենթակետի «բ», «դ», «ե» (անձրևացման շարժական համակարգի դեպքում), «զ», «է», «ը» ենթակետերով նախատեսված ֆինանսական միջոցները՝ հայտատուի հաշվեհամարին՝ համակարգի տեղադրման աշխատանքների ավարտման մասին ընդունող հանձնաժողովի կողմից ներկայացված տեղեկանքի հիման վրա.

10) նախարարությունը հիմք ընդունելով սույն կետի 6-րդ ենթակետում նշված տեղեկությունները (բացառությամբ սույն կետի 1-ին ենթակետի «բ», «դ», «զ», «է», «ը» պարբերություններով նախատեսված մշակաբույսերի մշակությամբ զբաղվող դրական եզրակացություն ստացած հողօգտագործողների, և անձրևացման շարժական համակարգի)՝ կազմակերպում է մասնագիտական որակավորում ունեցող անձի կողմից պայմանագրային հիմունքներով օբյեկտի շինմոնտաժային աշխատանքների նկատմամբ տեխնիկական հսկողության ծառայության մատուցումը՝ պետական բյուջեով նախատեսված միջոցներով.

11) սույն կետով սահմանված պետական աջակցության տրամադրման պարտադիր պայման է հանդիսանում մեկ կուլտուրայի հաշվով նվազագույնը 1 հեկտար (բացառությամբ սույն կետի 1-ին ենթակետի «զ», «է» և «ը» պարբերությունների), իսկ բանջարեղենի և այլ միամյա մշակաբույսերի մասով՝ նվազագույնը 0,5 հեկտար մակերեսով հողատարածքի համար ոռոգման ժամանակակից տեխնոլոգիայի տեղադրման նպատակով հայտի ներկայացումը, այդ հողատարածքը ոռոգման ջրով ապահովված, իսկ բազմամյա տնկարկների դեպքում՝ նաև տունկը կատարված լինելը.

12) սույն կետով սահմանված՝ ծխախոտի, բանջարեղենի և այլ միամյա մշակաբույսերի ոռոգման համար աջակցություն ստացած հողօգտագործողները նույն հողատարածքում միևնույն մշակաբույսերի մշակության համար ոռոգման ժամանակակից տեխնոլոգիա տեղադրելու նպատակով հաջորդ տարվա համար աջակցությունից չեն օգտվում.

13) ոռոգման ժամանակակից տեխնոլոգիաների և ֆինանսական միջոցների ոչ նպատակային օգտագործման դեպքում դրանց արժեքները ենթակա են վերադարձման

25. Ցանկապատված պոլիէթիլենային հիդրոմեկուսիչ ծածկոցով ջրավազանների (այսուհետ՝ ջրավազան) կառուցման աշխատանքների արժեքի մասնակի սուբսիդավորում.

1) սուբսիդավորման պարտադիր պայման է հանդիսանում նվազագույնը 10 հեկտար մակերեսով բազմամյա տնկարկների ոռոգման ժամանակակից տեխնոլոգիաներով ոռոգման նպատակով, 500-ից մինչև 1 000 խորանարդ մետր ծավալով ջրավազանների կառուցման նպատակով հայտի ներկայացումը, նոր հիմնադրվող բազմամյա տնկարկների դեպքում՝ նաև տունկը կատարված լինելը.

2) պետության կողմից անհատույց տրամադրվում է ջրավազանի 1 խորանարդ մետրի դիմաց առավելագույնը 5 000 ՀՀ դրամ, բայց ոչ ավել քան 5 000 000 ՀՀ դրամ.

3) հանձնաժողովը սույն ծրագրի 21-րդ կետով նախատեսված հայտերը ստանալուց հետո տասնհինգօրյա ժամկետում ստուգում է ներկայացված փաստաթղթերի հավաստիությունը և նախարարություն ներկայացնում դրական եզրակացություն ստացած հողօգտագործողների ցանկը.

4) դրական եզրակացություն ստացած հայտատուները նախարարության կողմից սահմանված ժամկետներում և պայմաններով նախարարություն են ներկայացնում ջրավազանի կառուցման՝ փորձաքննությամբ հաստատված նախագծանախահաշվային փաստաթղթերը և օրենքով սահմանված կարգով ձեռքբերված շինարարության թույլտվությունները.

5) հանձնաժողովը սույն կետի 4-րդ ենթակետով սահմանված փաստաթղթերը ստանալուց հետո տասնհինգօրյա ժամկետում ուսումնասիրում և տալիս է եզրակացություն, միաժամանակ նախարարություն ներկայացնելով առաջարկություն՝ դրական եզրակացություն ստացած հողօգտագործողների ֆինանսավորման պայմանների, չափի և կառուցման ժամկետների վերաբերյալ՝ համապատասխան պայմանագրեր կնքելու նպատակով.

6) նախարարությունը հիմք ընդունելով սույն կետի 5-րդ ենթակետում նշված տեղեկությունները՝ կազմակերպում է մասնագիտական որակավորում ունեցող անձի կողմից պայմանագրային հիմունքներով շինարարական աշխատանքների նկատմամբ տեխնիկական հսկողության ծառայության մատուցումը՝ պետական բյուջեով նախատեսված միջոցներով.

7) նախարարությունը ֆինանսական միջոցները փոխանցում է հայտատուի հաշվեհամարին՝ շինարարական աշխատանքների ավարտման մասին ընդունող հանձնաժողովի կողմից ներկայացված տեղեկանքի հիման վրա.

8) շինարարական աշխատանքներն իրականացվում են հիդրոտեխնիկական լիցենզիա ունեցող ընկերությունների միջոցով.

9) ջրավազանների ոչ նպատակային օգտագործման դեպքում դրանց կառուցման համար տրամադրված պետական աջակցության գումարը ենթակա է վերադարձման պետական բյուջե:

26. Սույն ծրագրի ֆինանսավորումն իրականացվում է յուրաքանչյուր տարվա պետական բյուջեով այդ նպատակով նախատեսված միջոցներով:

IV. ԾՐԱԳՐԻ ԻՐԱԿԱՆԱՑՈՒՄԻՑ ԱԿՆԿԱԼՎՈՂ ԱՐԴՅՈՒՆՔՆԵՐԸ

27. Սույն ծրագրի իրականացումից ակնկալվող արդյունքներն են՝

- 1) անցում ինտենսիվ գյուղատնտեսության.
- 2) ոռոգման ջրի տնտեսում, ջրային ռեսուրսների արդյունավետ և խնայողաբար օգտագործում.
- 3) նվազ ջրային ռեսուրսների պայմաններում ոռոգովի հողատարածքների ավելացում.
- 4) գյուղատնտեսական մշակաբույսերի բերքատվության ավելացում և ստացվող բերքի որակի բարձրացում.
- 5) մոլախոտային բուսականության, հիվանդությունների և վնասատուների դեմ պայքարի անհրաժեշտության նվազեցում:

Արցախի Հանրապետության _____ շրջանի
_____ համայնքի ղեկավարին
(վարչակազմի ղեկավարին)

Հ Ա Յ Տ

Դիմող _____
(Ֆիզիկական և իրավաբանական անձ, անհատ ձեռնարկատեր)

Բնակության վայրը (գտնվելու վայրը),
հեռախոսահամարը _____
Անձնագրի և սոցիալական քարտի կամ
հանրային ծառայությունների համարանիշի համարը _____
Պետական գրանցման վկայականի համարը _____
Գործունեության իրականացման վայրը _____
Նախատեսվող աջակցության տեսակը _____

Մշակվող կուլտուրայի տեսակը _____
Մշակվող հողատարածքի մակերեսը _____

Հայտին կից ներկայացվում են՝

1. _____
2. _____
3. _____
4. _____
5. _____
6. _____

Լրացուցիչ տեղեկություններ _____

(անուն, ազգանուն)

(ստորագրություն)

Արցախի Հանրապետության
էկոնոմիկայի և գյուղատնտեսության նախարարություն

Հ Ա Յ Տ

Դիմող _____
(Ֆիզիկական և իրավաբանական անձ, անհատ ձեռնարկատեր)

Բնակության վայրը (գտնվելու վայրը),
հեռախոսահամարը _____
Անձնագրի և սոցիալական քարտի կամ
հանրային ծառայությունների համարանիշի համարը _____
Պետական գրանցման վկայականի համարը _____
Գործունեության իրականացման վայրը _____
Նախատեսվում է ոռոգման ժամանակակից տեխնոլոգիա տեղադրել _____ հա
_____ համար
(մշակվող կուլտուրայի տարիքը, տեսակը)

Ոռոգման ժամանակակից տեխնոլոգիա տեղադրող
ընկերությունը _____
Հայտին կից ներկայացվում են՝
1. _____
2. _____
3. _____
4. _____
5. _____
6. _____

Լրացուցիչ տեղեկություններ _____

(անուն, ազգանուն)

(ստորագրություն)

« _____ » _____ 20__ թ.

Ձև N 3
Արցախի Հանրապետության
Էկոնոմիկայի և գյուղատնտեսության նախարարություն

Հ Ա Յ Տ

Դիմող _____
(Ֆիզիկական և իրավաբանական անձ, անհատ ձեռնարկատեր)

Բնակության վայրը (գտնվելու վայրը),
հեռախոսահամարը _____

Անձնագրի և սոցիալական քարտի կամ
հանրային ծառայությունների համարանիշի համարը _____

Գործունեության իրականացման վայրը _____

Մշակվող կուլտուրայի տեսակը _____

Մշակվող հողատարածքի մակերեսը _____

Ջրավազանի տեխնիկական ցուցանիշները _____

Հայտին կից ներկայացվում են՝

1. _____
2. _____
3. _____
4. _____
5. _____
6. _____

Լրացուցիչ տեղեկություններ _____

(անուն, ազգանուն)

(ստորագրություն)

« ____ » _____ 20__ թ.

**Արցախի Հանրապետության
Էկոնոմիկայի և գյուղատնտեսության նախարարություն**

ՀԱՅՏ

Ոռոգման կաթիլային, ենթահողային կամ անձրևացման ստացիոնար համակարգերի ներդրման աշխատանքների մասնակցության

_____ ընկերությունը (այսուհետ՝ Ընկերություն)՝ հաշվեհամար՝ _____ պատրաստակամություն է հայտնում մասնակցելու ԱՀ կառավարության 202_ թվականի _____-ի N ___-Ն որոշմամբ հաստատված «Արցախի Հանրապետությունում ոռոգման նպատակով հողօգտագործողներին աջակցման ծրագրի» շրջանակներում իրականացվելիք՝ ոռոգման կաթիլային, ենթահողային կամ անձրևացման ստացիոնար համակարգերի տեղադրման աշխատանքներին:

Միաժամանակ հայտարարում եմ, որ՝

- մեկ միավոր հողատարածքում ոռոգման կաթիլային համակարգի տեղադրումն կիրականացվի Ընկերության կողմից,
- համակարգի տեղադրումից հետո առնվազն մեկ տարվա ընթացքում համակարգի շահագործման վերաբերյալ մասնագիտական խորհրդատվության տրամադրումը և ծխախոտի դեպքում՝ առնվազն մեկ, իսկ բազմամյա տնկարկների դեպքում՝ առնվազն երեք տարվա ընթացքում երաշխիքային սպասարկումն իրականացնում է Ընկերության կողմից.

Ներկայացնում եմ լրացուցիչ փաստաթղթեր՝ Ընկերության գործունեության և կատարած աշխատանքների մասին *(ոչ պարտադիր դրույթ)*:

Հավաստիացնում եմ, որ սույն հայտով ներկայացված տեղեկատվությունն արժանահավատ է և ամբողջական: Գիտակցում եմ, որ որևէ կեղծ փաստաթուղթ կամ տեղեկատվություն ներկայացնելը հանգեցնում է օրենքով սահմանված պատասխանատվության:

Պարտավորվում եմ ներկայացված տեղեկատվության որևիցե փոփոխության դեպքում այդ մասին տեղեկացնել Արցախի Հանրապետության Էկոնոմիկայի և գյուղատնտեսության նախարարությանը:

Կից ներկայացնում եմ լիցենզիայի պատճենը:

Ստորագրող՝

(պաշտոն)

(անուն, ազգանուն)

(ստորագրություն)

«___» _____ 20___ թ.